

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: UP1-10/1-34-028349-18/23
Tuzla, 04.4.2024. godine

Ministarstvo obrazovanja i nauke Tuzlanskog kantona, u postupku po zahtjevu Univerziteta FINRA Tuzla broj: 01-688-1/23 od 31.8.2023. godine, za licenciranje studijskog programa drugog ciklusa studija „Napredni finansijski menadžment i kontroling“, na osnovu člana 27. stav (6) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 22/21, 5/22, 11/22 i 16/22) i člana 21. stav (1) Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22), donosi

RJEŠENJE

1. Univerzitetu FINRA Tuzla, odobrava se izvođenje studijskog programa prvog ciklusa studija „Ekološka poljoprivreda“, u trajanju od 4 akademske godine (8 semestra) čijim završetkom se stiče zvanje Bachelor - inženjer ekološke poljoprivrede (sa usmjerenjima) koje se vrednuje sa 240 ECTS bodova.
2. Dozvola za izvođenje studijskog programa (licenca) za studijski program iz tačke 1. ovog rješenja izdaje se na period od pet godina, i vrijedi za upis studenata počev od naredne akademske godine.
3. Ovo rješenje proizvodi pravno dejstvo danom njegovog donošenja.

Obrazloženje

Ministarstvo obrazovanja i nauke Tuzlanskog kantona (u daljem tekstu: Ministarstvo) zaprimilo je zahtjev Univerziteta FINRA Tuzla broj: 01-688-1/23 od 31.8.2023. godine za licenciranje studijskog programa prvog ciklusa studija „Ekološka poljoprivreda“. Postupajući po predmetnom zahtjevu, u skladu sa odredbom člana 27. stav (4) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 5/22, 11/22 i 16/22, u daljem tekstu: Zakon) i člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22, u daljem tekstu: Pravilnik), Ministarstvo obrazovanja i nauke Tuzlanskog kantona, rješenjem broj: 10/1-34-028349-8/23 od 19.9.2023. godine, imenovalo je Komisiju za licenciranje studijskog programa prvog ciklusa studija „Ekološka poljoprivreda“ na Univerzitetu FINRA Tuzla (u daljem tekstu: Komisija).

Nakon provedenog postupka i ocjene svih dokaza pribavljenih u predmetnom postupku, Komisija je u skladu sa članom 18. Pravilnik sačinila i Ministarstvu dostavila Izvještaj u kome je, između ostalog, navedeno sljedeće:

„Predloženi studijski program svojom strukturom usklađen je sa članom 126. stav (2) Zakona kojim je propisan sadržaj studijskog programa, odnosno isti sadrži minimum propisanih elemenata. Takođe, predloženi studijski program svojom strukturom prati principe Bolonjske deklaracije. Komisija ima zadatak da ocijeni da li u momentu razmatranja pojedinih nastavnih jedinica i akademskih sadržaja istih postoji ili ne postoji ispunjenost pojedinih kriterijuma propisanih važećim propisima, s obzirom na to da je zadatak nadležnih organa da u perspektivi ocijene način na koji se dati studijski program implementira. Kada je u pitanju kvalitet akademskog sadržaja smatramo da isti, u dovoljnoj mjeri, zadovoljava propisani kriterijum za njegovo licenciranje, odnosno svojim sadržajem slijedi savremene naučne zahtjeve iz date naučne oblasti, koncipiran je u skladu sa sličnim licenciranim studijskim programima relevantnih domaćih i regionalnih visokoškolskih ustanova. Ako bi se predloženi studijski program implementirao u svom punom kapacitetu, onako kako je to naznačeno u sadržaju istog, završetkom studija studenti, smatramo, stiču visoko napredna znanja i vještine za rad i naučne aktivnosti u predmetnoj oblasti, koji kroz svoj sadržaj (nastavne predmete) studentima nudi kvalitetne osnove za uključivanje u akademsku, naučnu i stručnu javnost.

Principi održive poljoprivrede, što ispunjava predmetni studij „Ekološka poljoprivreda“, postaju obaveza danas, jer je ugroženost prirode od efekata konvencionalne poljoprivrede dosegla takve razmjere da prijete nestanku velikog broja staništa i vrsta u prirodi, ali i zdravlju ljudi. Savremene naučne analize i publikovani radovi dokazuju negativan uticaj hrane na sve veću raširenost bolesti kao što su: dijabetes, gojaznost, različiti kanceri, alergije i sl. Studenti će kroz sticanje temeljnih znanja iz oblasti ekološke poljoprivrede, steći kompetencije fundamentalnog poznavanja i razumijevanja principa održive poljoprivrede u svrhu proizvodnje hrane i očuvanje bezbjednog životnog okruženja i zdravlja ljudi. Ishodi učenja na studijskom programu „Ekološka poljoprivreda“ usklađeni su sa savremenim naučnim zahtjevima i međunarodnim iskustvima, te postoji jasna povezanost ishoda učenja sa ishodima koji su navedeni u silabusima pojedinačnih nastavnih predmeta.

Uspješna realizacija studijskog programa „Ekološka poljoprivreda“, mišljenja smo, omogućava diplomantima sticanje kako opštih, tako i specifičnih kompetencija i vještina, kao podloge za njihovo aktivno i uspješno uključivanje na tržištu rada, a kasnije i u privatnim ili javnim kompanijama u kojima će naći svoje mjesto. Ishodi učenja na studijskom programu „Ekološka poljoprivreda“ usklađeni su sa savremenim naučnim zahtjevima i međunarodnim iskustvima. Osim toga, završetak studija na studijskom programu „Ekološka poljoprivreda“, zahvaljujući širokom spektru multidisciplinarnih znanja, nudi široke mogućnosti zaposlenja. Bosna i Hercegovina, ali i cijela Evropa pa i svijet, preuzeli su obavezu implementacije UN ciljeva održivog razvoja (SDGs) kao ključnih za održiv opstanak prirode i ljudi, smanjenja siromaštva, iskorjenjivanja gladi, obezbjeđenja zdrave životne sredine i poboljšanje nutritivnih vrijednosti hrane, između ostalog. Studijski program Ekološka poljoprivreda koncipiran je tako da prati trendove obrazovanja u svijetu, pri čemu su korišteni i primjeri dobre prakse u Bosni i Hercegovini, balkanskom okruženju, Evropi i svijetu. Sadržaji studijskog programa koncipirani su na osnovu ključnih znanja i vještina iz oblasti ekološke poljoprivrede, koja studenti treba da usvoje tokom procesa studiranja. Ishodi učenja i kompetencije oslanjaju se na zahtjeve kako discipline, tako i društva po pitanju mogućnosti zapošljavanja i pripremanja studenata za aktivno učešće u veoma zahtjevnoj oblasti proizvodnje hrane.

Po pitanju kapacitiranosti Univerziteta FINRA Tuzla da realizuje nastavne sadržaje pojedinih nastavnih predmeta (tj. da provede predloženi studijski program), konstatujemo da je Komisija dana 05.10.2023. godine izvršila posjetu istoj, te da je pored priloženih materijalnih dokaza, imala priliku neposredno utvrđivati činjenice vezane za postojanje odgovarajućeg prostora, biblioteke, računarskih sala, stalne internet konekcije, odgovarajući pristup objektu i prostorijama unutar Univerziteta FINRA Tuzla licima sa invaliditetom, te adekvatna nastavna sredstva da u skladu sa zahtjevima studijskog programa isti i realizuje. Konstatujemo da se Komisija neposredno uvjerila u postojanje odgovarajućeg prostora (učionice, amfiteatar, čitaonički prostor), odgovarajućeg pristupa objektu i prostorijama unutar Univerziteta FINRA Tuzla licima sa invaliditetom, opremljene računarske sale, pristupa internet konekciji, te drugu prateću infrastrukturu i opremu neophodnu za realizaciju predmetnog studijskog programa.

Univerzitet FINRA Tuzla raspolaže neophodnim prostornim kapacitetima za izvođenje studijskog programa I ciklusa studija „Ekološka poljoprivreda“, pregledom objekta od strane komisije utvrđeno je da Univerzitet FINRA Tuzla zadovoljava pomenute kriterije. Univerzitet FINRA Tuzla ima obezbijeđene kapacitete po ugovorima o zakupu čija ukupna površina zakupljenih prostorija iznosi 2.244 m² a shodno Standardima za planirani broj studenata na prvoj godini studijskog programa „Ekološka poljoprivreda“, potrebno je obezbijediti optimalno 200 m², minimalno 140 m² a za sve četiri godine studija optimalno 800 m² odnosno minimalno 560 m². Visokoškolska ustanova ima obezbijeđen neophodan čitaonički prostor kao i odgovarajući broj stručnog osoblja te prostorije i opremu za smještaj, čuvanje, obradu, izdavanje i korištenje bibliotečke građe, uz bibliotečki fond koji se sastoji od obavezne udžbeničke i priručničke literature i uz nesmetan pristup odgovarajućim elektronskim bazama podataka (EBSCO). Razmatrajući naprijed navedeno i dostavljene ugovore o zakupu prostora te korištenju laboratorija i opreme u svrhu obavljanja studentske prakse i nastave studenata na studijskom programu „Ekološka poljoprivreda“, i to sa: TQM d.o.o. Lukavac, Institut za kvalitet, standardizaciju i ekologiju i „MULTILAB“ d.o.o., može se zaključiti da su zadovoljene propisane norme o površini po jednom studentu za provođenje predmetnog studijskog programa.

Maksimalno opterećenje nastavnika u nastavi predviđeno Standardima i normativima visokog obrazovanja Tuzlanskog kantona iznosi 10 sati predavanja sedmično u okviru 40-satne radne sedmice, prosječno na godišnjem nivou, a za asistenta 15 sati vježbi sedmično prosječno na godišnjem nivou. Nastavnici koji budu držali i vježbe, broj sati vježbi do optimalnog opterećenja se izračunava tako da su dva sata vježbi ekvivalentna jednom satu predavanja. Nastavnici koji budu držali i vježbe, broj sati vježbi do

optimalnog opterećenja se izračunava tako da su dva sata vježbi ekvivalentna jednom satu predavanja. Prema Zakonu (član 25.), visokoškolska ustanova ispunjava kadrovske uslove ako ima u radnom odnosu najmanje jednu polovinu od ukupnog broja nastavnika potrebnih za izvođenje nastave na obaveznim nastavnim predmetima. Uvažavajući ovaj kriterij na osnovu broja sati na obaveznim predmetima na studijskom programu „Ekološka poljoprivreda“ dobijamo sljedeći izračun potrebnog broja nastavnika:

$$66h \text{ predavanja} \times 15 \text{ sedmica} = 990 h$$

$$76h \text{ vježbi} \times 15 \text{ sedmica} = 1140 h$$

$990/300 = 3,3$ nastavnika za predavanja a polovina od tog broja iznosi 1,65 nastavnika. Prema dostupnim podacima, na Univerzitetu FINRA Tuzla osiguran je potreban nastavni kadar za realizaciju predmetnog studijskog programa obzirom da se je iz dostavljene dokumentacije vidljivo da na prve dvije godine studija visokoškolska ustanova u radni odnos planira primiti, a po osnovu predugovora o radu, 4,5 nastavnika dok je minimalan potreban broj nastavnika po Standardima 1,65 za izvođenje nastave na svim godinama predmetnog studijskog programa. Što se tiče neakadenskog osoblja, prema dostupnim podacima predmetne visokoškolske ustanove ista je angažovala potrebno neakademsko osoblje u skladu sa Standardima i normativima visokog obrazovanja Tuzlanskog kantona.

Analiza strukture studijskog programa I ciklusa studija „Ekološka poljoprivreda“, na Univerzitetu FINRA Tuzla pokazuje da je on usklađen sa principima Bolonjske deklaracije. To se ogleda u sljedećem:

- Jasno je za svaki nastavni predmet naveden broj časova predavanja i vježbi, te vrijednost ECTS bodova (European Credit Transfer System) koji nosi određeni predmet,
- Zbir bodova svih predmeta u jednoj godini je 60 ECTS bodova,
- Način polaganja ispita, pri čemu se sve aktivnosti studenta predviđene silabusima boduju, predispitne obaveze (kolokviji, projekti, seminarski radovi) i završni ispit,
- Kroz silabuse pojedinačnih nastavnih predmeta je vidljiva vrijednost predmeta u ECTS bodovima, ishodi učenja, ciljevi učenja i sadržaj nastave po predviđenim sedmicama nastave, kao i način sticanje bodova (te vrijednost bodova za svaku aktivnost) kroz različite predispitne obaveze i završni ispit.

Cijeneći sve ranije navedeno Komisija daje pozitivnu ocjenu vezano za licenciranje studijskog programa prvog ciklusa studija „Ekološka poljoprivreda“, Konačna ocjena Komisije je donesena jednoglasno i nema izdvojenih mišljenja.

Na osnovu konačne ocjene i mišljenja Komisije, u skladu sa odredbom člana 27. stav (6) Zakona i člana 21. stav (1) Pravilnika, odlučeno je kao u izreci ovog rješenja.

Pouka o pravnom lijeku: Protiv ovog rješenja može se izjaviti žalba Komisiji za drugostepeno upravno rješavanje Vlade Tuzlanskog kantona, u roku od 15 dana od dana zaprimanja rješenja.

DOSTAVITI

1x Univerzitet FINRA Tuzla (sa dostavnicom)

1x Evidencija

1x Arhiva

EM



VISOKA ŠKOLA ZA FINANSIJE I RAČUNOVODSTVO
FINra TUZLA

Broj: 325 / 24

Datum: 15.04 20.24 god.